

養

一

齋

集

序

余之知潘四農也因張亨甫亨甫告余曰吾徧交海內賢士以詩契合者眾矣大半皮骨聾聾之間耳吾嘗喜人攻其短曩在京師得徐廉峰鄭雲麓黃樹齋評刺吾詩多中而尤精當者潘四農也余觀亨甫諸詩稿本信然亨甫曰匪惟論詩其爲人也類有道君子已而毛生甫來言四農一如亨甫余慕之爲書延四農教子若壻四農欣然至揚州其從來者弟子吳君大田及其子亮弼也于時朝夕聚處縱觀所爲詩文精淡奧突一語之造有耐人百日思者竊歎張毛二君不我欺也余嘗與四農生甫各攜其弟子

游金焦二山信宿賦詩一時興趣邈然若與造物者冥游
八極之表曾不知哀樂之何寄嗟乎人生倏忽耳安能常
有此境哉已而四農北去李申耆偕其弟子與吳仲倫左
石僑及亨甫後先復至申耆弟子吳君儁爲余作談藝圖
寫諸君之貌甚工諸人旋散余亦渡海逾三年則聞四農
物癸卯過淮四農墓草已宿余以縲紲之身不能往哭忍
慟而行是時仲倫申耆生甫皆已亡亨甫偕余北上物于
京師石僑繼之談藝諸人風流頓盡矣又五年四農弟子
刻其師遺集旣成吳君大田兩以書來屬余爲序其何能
辭乃述其所以交四農者黯然識之如此道光二十九年

上元後六日桐城姚瑩序

先詩文集二十六卷刊成後卽流布在外時一校讀謬
字甚多茲將前後改補者通記于末以便藏者檢勘
集目卷之十題林天素叢蘆宿雁圖天素誤作雪詩同

卷之二十一 拜都參贊公家傳脫家字

卷之二詩白雲二章前一章不樂則那則誤在

卷之三題熊百谿山水冊注劉州牧乃大誤孝廉

卷之五奉懷仰山先生蘭陽第三首長淮浪春大春誤

春 贈徐鏡谿水部前一首鑄鏡忘白照忘誤妄

卷之六雜詩前一首眩眩上間闕誤眩眩

卷之八與通甫恩恩朝海霞誤忽忽 奉別樹齋先生

前一首朗朗扶朝暉扶誤挾 桃花橋注壬午誤辛
已

卷之九仲秋之秣陵省舅氏前一首俚俚迷所之迷誤
述 寄到渠春江變醕耐醕誤醕

卷之十曉起與亨甫聯句第二首高林暖清露暖誤煖
卷之十一幽惕賦飭幽獨于寤歌飭誤飾 礪志賦苟

束修以飭事兮飭誤飾 驅夢賦奮刃一劘刃誤刀
卷之十二王陽貢禹論無昧其本心哉誤作心本

卷之十三論南氏通鑑綱目前編率不精審審誤當

重黎襲子不祀鬻熊與祝融祝誤祀

卷之十四論王仲衡人鬼說四是卽祭祀卜筮之類也
又天命非卽鬼神也又不知理卽存于形氣三卽字
皆誤作有 駁元會運世則當吾今日今誤之 其
三釁則元會運世之說出運誤在說字下

卷之十六本卷分類說下脫解字 戒愼恐懼卽愼獨

說豈眞缺此一段功夫眞誤愼 聖人只是修道是

誤在 不待舉動而敬敬誤靜 中者天下之大本

說仁義禮智梃于心禮誤理 郊社說無不箝口結

舌箝誤藉 祭帝于郊就陽位也帝誤地 社在北

郊脫在字 周公居東二年東征三年解而非古文

最當又下是遷雖從安國問最當是二字誤作當矣
况 故皇王大紀下脫繫多方于前五字 四國是
毗四誤是

卷之十七續推命對不相出入焉焉誤也 終于自棄

焉矣脫矣字 賢智者聞之智誤之 記言一後天
而奉天時天時誤之時 駁議陽林舒蔭蔭誤陰
有客揚頌舉眉頰誤額

卷之十八誦芬堂詩序積按盈箱箱誤廂 姚梅伯詩
序然則詩之是非安辨之誤人 江龍門詩序而後
發擄其才氣發誤撥

卷之二十養一齋記程子之養一也難之誤一

卷之二十一與邱勤子書蓋生則有所愧也生誤身

蒼玩次玉書惟士亦然亦誤不而不自策勵自誤

知

卷之二十二再與張亨甫書又不必其言之出于我言

誤有與孔生繼鏢書亦既見止既誤能輒欲取

此互相厲相誤求與張亨甫書多疚生於妄言疚

誤疾與魯通甫書以探求聖人之本意本誤心

卷之二十三錢節婦傳論宋德祐炎興閒祐誤祐

卷之二十四繆星潭哀辭偶萍梗之相值梗誤優馬

生哀辭而生之父及世父父誤人 登高阜眎爾居
兮兮誤父 祭陸生文注仕蹟詳江南通志仕誤世
卷之二十五念石子夏雨旣霽節狎而譟之之誤焉

卷之二十六喪禮正俗病瀕死文若平居偶不在此偶
誤仍 反哭而賀文然禮文具怛惻而詳至詳誤祥
同治八年春二月男亮彝謹校

詩宜痛刪改必淨靡之音去而真懇之氣來語語有周方

爲國書
館藏書

謂之言立
先刪詩次刪句次改句真處萬不可不留率處萬不可不
去真率之閒不容髮殊不易辨也然真則厚率則不厚亦
不難辨耳

詩只一字訣曰厚厚必由於性情然師法不高烏得厚也
清贍方可學詩迺鍊方可作詩超雅方爲名家渾化方爲
大家試自考來

余幼奉庭訓讀漢魏李杜詩最洽熟杜詩尤多未冠先子
見背操筆學詩苦無指授漫然棄幼所讀者案頭有一部

精華錄亦知其非絕境然薰染數月遂專趨中晚唐人蓋
劉賓客張司業李昌谷溫飛卿杜司勛許丁卯皆其所涉
歷者已乃謂韓蘇爲鉅觀年少氣盛愛爲盡言殊自豪也
至二十六七歲迺知以陶公爲法於詩漸辨好醜近四十
歲稍就確實以杜爲宗而精力不專學問不廣子美之門
牆至今不能入況堂室乎哉使從一二十歲時常取趨庭
時所讀者朝夕研習何至費如許轉折而不得達也悲痛
悔恨莫甚於此

余詩逃不得一雜字蓋命意甚妄欲作無不有之大家而
今則竝名家而不能也此又可恨之一端也道光九年己

丑五月四農書於養一齋

作詩三十餘年仍有淺薄之病專求渾求實方有長進處
乙未六月四農再書

詩必澹雅渾大乃可以示天下己亥四月四農三書

養一齋集目

卷之一

讀史八首 射湖晚泊二首 朝飲酒 雜詩二首

湖上暮雨 臺城偶題 車遙遙 君馬黃 巫山

高 戰城南 有所思 代相逢行 古離別 螢

蟬 憫旱 雜詩六首 登郡城樓二首 贈邨

丈古塘二首 放歌行 醉歌 夾江竹園 江口

聞笛 冬夜讀先子笥蕭詩集 與趙吉人輯里人

詩有作 浩歌 春愁曲 飲田家 邨行 邨谿

歸舟 東澗夜舟 田家三首 奉懷盧止泉舅氏

臥永濟寺 怨歌 偶書 寒日 書寓齋壁二

首 哀廉吏 贈闕童子 此日足可惜 和陶公

田舍始春懷古二首 和陶公時運四首與紀燕亭

和陶形贈影 和陶影答形 和陶神釋 贈丁

儉卿 寄朗陵兄 夢中間笛詩 郭景遷澗東寺

院齋居 寫孝經詩 行路難六首 自題斜月讀

書圖

卷之二

宴花樓晚望 春日齋中小疾 春游曲 楊花曲

閉門四首 夢中作二首 雜感二首 獨坐

望雨 澗舟 題景遽畫 西邨收稻二首 雪後

游兜率院用東坡和僧守詮韻 感興 同景遽作

二首 東谿 閒園 偶感一首與劉生湘雲 與

景遽 暮春 牡丹讌集 西邨 北寺 南池

刈藤 題畫 鵲巢 作所二章 題畫二首 題

畫 獨游東谿 嘯歌四首 邨行二首 白雲三

章寄景遽 春游感興 寄邨勤子二首 雨窗偶

書 對月懷朗陵兄二首 選唐人萬首絕句題卷

端二首 攝山病臥題僧卓羣山房 金陵雨夜

題畫 仲夏書感 題梁馥菴兼葭泺水圖 將赴

金陵荻莊別勤子 雨中游雞鳴寺隱僊菴三首

送從子開麗三首 人日遣興 病餘野步 題畫

清明日昭卹院祭楊仲甯尙書墓五首 夜坐

贈徐漢 楊露滋卹勤子招游湖心寺 湖心寺

獨酌 校盧蓉湖舅氏詩集 西菴獨坐 過陸生

懷生墓 懷里人作八首 省妹作二首 新河舟

中四首 舟止棲霞寺 與卓羣 再與卓羣 三

聖菴述感 白門柳 出金陵城 召伯埭偶題二

首 露筋祠夜泊 曉過高郵 蘆花曲 舟中

糧艘行 澗東兜率院老槐歌 落葉 夢游廬山

二首 答盛子履學博二首

卷之三

再游南邨 磐石八章 晚坐 微雨過高邨 金

陵懷古 攝山道中 蔣王廟 徐中山王墓 由

燕子磯至棲霞寺塗中作 棲霞寺 舟曉 湖東

悲 舟過興化 沙家莊夜泊 獨游南邨 放生

菴 荻莊看桃花過曲江樓故址 移舟過勤子齋

茅屋初成述懷二首 舟晚 南邨卽目 哭張

籬東先生 秌日入城 寄郝鏡渠 夜坐詩和東

坡 與子履二首 雞鳴歌 春眺 荻莊小憩

澗東三老詠 讀壯悔堂集 偶述 與勤子汎舟

至愛蓮亭 殊日感事二首 南邨省舅二首 送

蓉湖舅氏之河北 南邨 車橋八詠 元夕感事

書蘇公和陶詩後 題百驥騰驤長卷 題篋北

谿山水冊 寄朱丈亦僑二首 題畫 題畫冊七

首 齋中偶書二首 朱烈婦詩 清和酒詩 題

畫送邵立三游射陂 題吳指堂先生集後 邨北

晚步 曉坐 過昭卹院 偶興二首 仿選山論

詩絕句論選山詩二首 邨行二首 招勤子 歲

杪與勤子別塗中卻寄 贈譚大令雨香 送陶際

華入都 與鏡渠 趙貞女歌 夜登聊樂邱書感

題儉卿袖海集三首 闕題二首

卷之四

新河舟中 中山王勝棊樓歌 靜海寺歌 永濟

寺懸崖 梅花嶺弔史閣部 高廟阻風 丹徒弔

宋武帝 江陰懷古 東林書院 倪雲林祠 鎮

江至江甯山行雜述十二首 燕子磯曉渡 鑾江

舟中題子履江行詩卷 沂州道中三首 半城至

青駝寺二首 泰安道中 望嶽 岱廟 濟南道

中 黃邨 奉題鍾仰山先生浮青山館圖 盧溝

橋 趙北口 雨行遣興 滹沱懷古 項王墓

兗州 孟廟 過滕縣 炆日舟往吳門塗中感懷

四首 贈汪到渠 歸舟遣興和儉卿韻 題霜鐙

課讀圖 送際華之任金華 過沂州作 望嶽示

次兒 任耶道中 題須芥菴桐華菴詩集 次韻

題司馬文正公漢衣小像二首 送仰山先生滇南

治獄二首 送徐健安之潼關 健安招集卽席再

賦二首 寄懷魯通甫二首 病中集陶 夏夜與

芥菴論詩 寓齋觀射東岳兼山須芥菴 寄露滋

二首 寄壽亦僑丈 題周倬雲詩集 題春獵圖

聽芥菴夜誦孟子 奉懷仰山先生 冬夜醉中

與芥菴 哭蓉湖舅氏 奉題仰山先生聽松圖

題承玉菴大令詩冊 冬夜讀書效后山體二首

歲暮酬方雲壑兼寄祝炎洲二首 讀錢仲文題玉

山邨空壁詩愛而和之 除夕和韻三首

卷之五

寄到渠 寄張詠僊 送芥菴之蘭陽 寄和鏡渠

慧裕亭儀部席上賦贈文小湘大令用昌黎山石

韻 贈徐廉峯太史卽題其壺園詩冊二首 奉懷

仰山先生蘭陽三首 題湯海峽儀部浮邱閣詩集

醉歌 贈徐鏡谿水部二首 贈張亨甫二首

題亨甫博陵秋眺卷子 答海秋 題孔生繼鏢詩

後 夏日塵定軒中取近人詩集縱觀之戲爲絕句

十二首 月下對酒懷芥菴 送姚石甫大令之江

蘇二首 夏晚獨坐奉懷仰山先生二首 月下飲

雙槐軒同孔生作二首 題潘漱泉中翰長風萬里

圖 秋夜就吳丈鞠通飲二首 將之蘭陽出朝陽

門作二首 通州二首 薊州道中三首 薊州二

首 赴蘭陽謁仰山先生告別四首 九日登黑窯

廠 十三夜與沈小庾孔生繼鏢置酒聯句題淮安

邸舍 畱別宗貽宗佑兄弟 奉別黃樹齋先生二

首 廉峰席上畱別亨甫 出彰儀門作 琉璃河

涿州弔漢昭烈 白溝河 大風過雄縣 夜過

趙北口 河間懷劉文房 河間夜發二首 景州

弔周亞夫 恩縣道中三首 塗次贈孔生 荏平

懷馬賓王 荏平夜發 九月晦日塗中卽目疊前

韻 是日東阿大橋待渡再疊前韻 過三歸臺

東阿弔曹子建 汶上待渡三疊夜發韻 塗次贈

王壽梅 兗州聽雨四疊夜發韻 鄒縣道中雨雪

賦詩述懷二首 野宿 雨夜與孔生聯句六十四

韻 官橋夜坐 過二疏故里 微山湖晚眺 小
順河題壁 過圯上作 次阜河飲孔生齋中感賦
渡河作 袁浦別孔生

卷之六

奉題仰山先生京江曉渡圖 題邊頤公畫冊後二
首 題亨甫石畫畱人圖 京邸置酒餞丁儉卿方
雲壑盧鐵珊作歌 獨坐和亨甫月夜見訪次日雨
中口號二首 樹齋先生廉峰太史招集江亭消夏
二首 題亨甫翠微山寓詩冊後 奉題仰山先生
游焦山卷子 與吳旭峰二首 京邸喜孔生至卽

題其辛卯詩冊後 七月二十四日與亨甫夜話聯
句 二十九夜 送仰山先生之科布多參贊大臣
任二首 送高紫峰大令之四川二首 與吳生大
田卽送之歸淮上二首 秣初寄懷勤子三首 鐵
耕樓詩 題廉峰憶壺園圖 題亨甫天台聽瀑圖
卽送之南歸 再題亨甫博陵秣眺卷子 題畫
題李雲生所藏畫 答黃子幹 題眠琴圖 雜詩
四首 冬日移寓蒼疾述懷二首 除夕題壁五首
初春飲雲生寓齋 雪窗書事 題張淵甫靜觀
齋四圖 春夜望月二首 題葉生名灋風雨懷人

圖 題廉峰看劍圖 送徐士敬歸朝鮮 有題者
騫三章再送士敬 送徐竹垞歸朝鮮 題淵甫靜
觀齋詩集 過盧溝橋作 過匡衡故里作 南邨
省妹兼示從子二首 題儉卿登階課兒圖 裕亭
寄示伊猗君見懷詩賦酬四首 秋晚野步 秋雨
聞勤子將歸喜而有寄 贈丁郎壽昌 漫興和
李少白韻 少白雪中卽事詩用全仄體以全平體
答之 題子履煙溥雲嶠圖

卷之七

答孔生三首 偶然作 野意 與通甫二首 晚

坐遲通甫不至 寄廉峰二首 過鏡渠南邨 城
外晚舟 寄芥菴宿遷二首 汶上作 車中讀春
秣感賦 晤郭羽可艾至堂江龍門各贈以詩並述
近狀四首 題馬鶴船老漁圖 題至堂北渡雁關
圖 廉峰招飲 覽夢谿筆談偶作 題汪太傅信
民贈文信國硯圖二首 題葉雲縈給諫孝行錄後
題畫 述意示孔吳二生二首 奉題禮烈親王
克勒馬圖 題廉峰問詩圖二首 孤鸞篇三章
送吳生南歸 畱別宗貽宗佑 別小庾二首 別
廉峰 別繆星潭 飲羽可齋話別二首 與姚梅

伯 五月十五日羽可小庾龍門星潭小集寓廬卽
席賦二十八字爲別 題吳梅梁侍郎世德清芬硯
圖 山亭坐雨與小庾聯句 與猗君 答羽可
道院坐雨 觀羽可畫竹 柬星潭 寄通甫 雜
詩三首 道院書興柬小庾星潭二首 送陳薌伯
還杭州卽之官甘肅 送陳蘊山還江甯卽之官山
右 題張自新荷灣清夏圖二首 與黃香鐵論詩
卽以畱別二首 梅伯聞余將歸敍懷悽咽作歌解
之 題廬陵王氏兩世孝行錄 擬古四首 奉別
樹齋先生卽次贈行元韻 畱別小庾四十韻

卷之八

閏六月與星潭出都至天津舟中作 七夕泊楊柳

青二首 今我行 釣魚灘舟次 滄州述感 寓

感五十首 挂劍臺歌 南旺湖采蓮歌二首 登

太白樓放歌 太白樓有萬歷閒家印川司空詩碣

書感次韻 濟甯城上眺工部南池作 雨夜聞笛

二首 雨行看山 四女寺 夾馬營 巢父墓

秣日初歸里門題書齋壁用杜到邨詩韻 哭黃蔚

雯 郡城晤通甫臨別作詩二首 赴都述懷二首

與鏡渠話別聯句二首 雨後北行塗次柬徐海

峰聿竹坪二首 題葉生江亭看山圖 江亭展禊

詩二首 元通觀步月追悼星潭泫然成句 爲王

慈雨吏部題龔翠巖金陵六桂圖 爲李芝齡少宰

題龔翠巖大德馴象圖 廉峰爲刊蒼一齋詩話賦

此誌謝兼以畱別二首 與通甫 奉別樹齋先生

二首 出京口號 黃邨晚步 傷別 與魯二通

甫吳生大田南歸塗次戲爲三君詠 苦水堡二首

旅店和壁上詩 荏平述感 放歌行 東平旅

亭三首 兗州道中 界河驛題壁 桃花橋 官

湖二首 別通甫四首 初歸宿露滋宅 哭少白

木果軒獨坐三首

卷之九

仲殊之秣陵省止泉舅氏登舟述感二首 八月十

三夜寶應對月 十四夜高郵對月 十五夜揚州

對月 金山舟次感興 新河舟中二首 謁方正

學祠遂至壽池山房二首 奉別止泉舅氏 江舟

贈別盧斌夫 寄陸藝林太常 京江舟次雜書三

首 揚州訪毛子裔 灣頭夜泊 過湖 野雁

野航 寄鏡渠二首 寄小庾三首 寄葉生 題

子履山水冊卽送之歸鎮洋四首 子榦南歸過淮

詩以誌別 寄翊可 寄到渠 寄孔生五首 除

夕題壁二首 春日適阜甯觀海書院舟次述懷二

首 將之眞州維舟城西游道觀作二首 泊寶應

孔生送予二十里外口占爲別 三汊河舟次偶書

飲眞州十笏菴東到渠竝示吳生二首 題張玉

農胥江送別圖 題陳生克家詩卷 三月晦日坐

十笏菴偶觀陶集欣慨交心詮次爲詩索到渠和

寄亨甫南昌 校王二波都尉詩 與劉桐江汎舟

平山卽送游松江二首 高郵舟次寄懷通市四首

五月五日同人集王靜山宅作歌紀事 吳生三

十初度賦詩贈之時同赴邗上二首 袁浦送孔生
入都兼訊竹坪駕部 高郵逢雲生 贈子喬 觀
毛生甫近詩用柳州飲酒韻贈之 都轉衙齋小亭
看雨二首效聿體一用其對雨寄韓庫部協韻一用
其對雨寄李主簿高秀才韻 登法淨寺平遠樓還
飲湖舫作二首 夏夜寄懷竹坪用聿蘇州夏夜憶
盧嵩韻 寄猗君 寄廉峰 與姚石甫毛生甫金
山放舟宿焦山三夕作三首 海門菴二首 別生
甫 郡西別吳生 題亦僑丈遺畫 冬日江行
真州示張生匯陳生克家用江行韻 寄生甫 送

石甫之臺澎 晚步同張陳二生 歸舟述興示吳

生二首 郡西與吳生別 歸自眞州復之阜甯舟

次作 寄黃質菴通守

卷之十

赴都入南西門作卽示孔吳二生 答海峽 題羽

可畫作 再題羽可竹用前韻 酒閒憶通甫與孔

生聯句用前韻 樹齋先生招飲卽席賦呈二首

花朝同人集孔生齋分韻得拔字 答亨甫 再答

亨甫 題林岵瞻樞部所藏赤壁圖次吳文定韻二

首 題蕭晨柳陰兒弈圖 題文嘉摹雲林山水

題林素叢蘆宿雁圖

題董文恪園居野趣圖

與

梅伯夜坐聯句

贈孔生用通甫韻

奉題孔恭愍

公畫蘭三首

題慶伯蒼比部詩卷二首

答葉生

二首

酒閒示孔生二首仍用通甫韻

夜與亨甫

通甫孔生聯句

次夜復與亨甫通甫孔生聯句

曉起與亨甫聯句二首

都門望西山

爲雲生題

朝鮮徐士敬兄弟書尺後

題龍門息心觀化圖

寄后甫

晚訪亨甫不值畱詩一章用前韻

將出

禮閣作

述興與儉卿二首

久不見廉峰書此代

東

題鄭稼軒大令振衣濯足圖

贈別斌秣士武

部二首 飲龍樹寺遂過龍泉寺 飲亨甫寓廬醉

中作 題陳煠穀西谿夢隱冊子 題燕山話雨圖

與徐生大綸二首 別梅伯二首 別竹坪二首

竹坪和詩來情旨斐然復作四首 海煠招同亨

甫梅伯通甫孔吳二生飲尺五山莊畱詩與海煠別

六首 燕南旅次用儉卿壁上韻 荏平夜送亨甫

二首 再送亨甫三首 東阿憶亨甫當至東昌

東平旅亭 宿遷道中述懷和通甫壁上韻卽以贈

別四首 郡東歸舟作四首 晤靜山 觀海書院

晚坐示張生文瀚 題王惜菴越思圖二首 寶應

劉烈女詩 雁豕圖詩 哭靜山五首 木果軒題
壁 答孔生二首 化寓 觀海書院獨坐 墓頭
艸 縱筆

卷之十一

幽惕賦 礪志賦 驅夢賦 南窗賦

卷之十二

天論 心論 才論 鬼神論 僊論 佛論 夢

論 聖賢英雄論一 聖賢英雄論二 聖賢英雄

論三 王陽貢禹論 夏侯泰初論

卷之十三

論明太祖一 論明太祖二 論明太祖三 論明
太祖四 論劉誠意 論陳遇劉基進言 論南氏
通鑑綱目前編 三皇五帝 少昊 放勳重華文
命湯 重黎 祝融 元冥 論道學 論學示兒
子

卷之十四

論王仲衡九夏說 論王仲衡人鬼說一 論王仲
衡人鬼說二 論王仲衡人鬼說三 論王仲衡人
鬼說四 駁元會運世 駁佛言前後身 因緣

卷之十五

老彭辨 金賊臣崔立碑辨 劉子辨

卷之十六

格物說 戒愼恐懼卽愼獨說 中者天下之大本
說 郊社說 干祿及高祖說 周公居東二年東
征三年解

卷之十七

讀大禹謨 讀孟子 書韓子對禹問後 書歐陽
公賁炆論後 續推命對 貞女對 書鄆陵蘇母
節孝事略後 興挑澗河議 釋言一 釋言二
記言一 記言二 荅問 駁議 齋中雜物銘

五賢贊 醜石贊

卷之十八

家集副誦序 九經人表序 作詩本經序 陸丞

相集序 任東澗先生集序 邱氏王氏雜箸合訂

序 山陽詩徵序 寓庸室遺艸序 周氏族譜序

僊屏書屋詩序 誦芬堂詩序 姚梅伯詩序

江龍門詩序 伊猗君詩序 晚醒齋隨筆序

卷之十九

贈張幼塘序 送郭景遷序 送蘇生序 送邱勤

子序 劉宜林八十壽序 魯特山七十壽序

卷之二十

木果軒記 養一齋記 彊恕齋記 車橋文昌宮

記

卷之二十一

與邱勤子書 荅楊露滋書 荅丁儉卿書 與郭

景遠書 荅阮次玉書 與陸邵懷生書 與黃蔚

雯書 與邵羽吉書 與王生書 與鮑生掄彥書

卷之二十二

與湯海秌書 與張亨甫書 再與張亨甫書 與

徐廉峰書 與孔生繼鏐書 荅魯通甫書 與葉

生名灋書 荅魯通甫書 與王靜山書 與吳生
大田書 與張亨甫書 與魯通甫書

卷之二十三

劉孝子傳 震峰老人傳 拜都參贊公傳 阮君

家傳 陶君家傳 邱君家傳 黃君家傳 劉節

母傳 錢節婦傳 夏烈婦傳 書宿州客

卷之二十四

王君墓志銘 誥授奉政大夫廣州府同知丁君墓
表 誥封奉直大夫晉中憲大夫吳君墓表 弔柳
下惠文 耶祥仲哀辭 繆星潭哀辭 馬生哀辭

楊露滋誄 祭陸生文 祭舅氏盧春池先生文

祭卬勤子文 祭黃蔚雯文 告長女文

卷之二十五

念石子

卷之二十六

喪禮正俗

養一齋集卷之一

山陽潘德輿彥輔

癸亥年

讀史

李斯諫逐客游士皆利秦陳寶伯西時頗賴戎晉臣轉眼
斯得志媼嬰據要津刮語燒書計殘酷何無親昔若逐此
客秦祚或未湮旣得蠶食智乃欲愚斯民嗚呼范張輩皆
是亾秦人孤憤吃公子所幸才不伸

項王叱樓煩有矢不敢發一遇瞋目噲亦覺動毛髮切髡
發雄論欲應舌本蹶魚肉竄砮俎奇禍脫倉卒參乘盾固

奇項伯劍尤突丁公獨被誅此事乖賞罰

子房未遇時直氣奪秦魄智勇殆天挺安用師黃石龍門
蒐碎事愛奇苦成癖帝佐書大畧陰符果何益莫道赤松
游竟爲長生籍

洛陽有少年裋裋在禮樂抗論翊炎漢法物實該博咄哉
睂山老譏生太落拓未能結大臣主歡何由託枉己以伸
道此論乃大錯他年服烏賦奇氣付寥廓大息此生去三
代孰斟酌坐使通與褻蛙腹參制作

文人貴立言哲人貴保身文史近卜祝胡乃罹酸辛蠶室
一朝下解脫須交親名山百萬言誰直縲絏臣君看三閭

傳冤憤如自伸奈何蔡中郎園土冤沈淪作史懼刺譏王
允非通人

兩漢多奇士尤奇郅君章上書賊莽庭敢陳赤漢祥讖緯
未足據已被賊膽狂手斬友之讐精烈貫蜚霜一朝投竿
出長謝由與光天生此儁士豈許巖穴藏請看上東門獵
騎正徬徨

丈夫貴立志譬如金躍冶卓哉皮袴客不騎款段馬萬里
來誠書當時共傳寫功成翻受讒遺骨委荒野南來薏苡
車犀珠詎盈把如何梁伯孫獨使拜牀下

漢初重游俠朱季稱豪徒漢末有黨錮李杜駢首誅游俠

未聞道肝膽猶豪麗東京之黨人名教藉以扶衰哉翁伯
輩禍止及其軀黨禍一朝起萬邑成荒墟疾惡豈不貴已
甚乃剝膚善亾國亦亾誰竟尸其辜林宗近高蹈我獨欽
申屠

射湖晚泊

獨立數雲鴻蕭蕭入蘆葦孤艇破煙歸斜陽在沙尾
岸遠月低檣沙明星入網半夜漁人歸前谿聞暗槳

朝飲酒

朝飲酒勁雪大如手暮飲酒颼風門外吼狐裘少年擁紅
鑪甘肴美醢陳中廚此輩安享胡爲乎噫吁噉哀哉宿州

城門朝不開城外雪深沒馬足賊兵千百來喧虺賊來孤
城裂血濺三尺雪賊去民半死白骨壅淮水今年雪大黎
民飢且寒河北粟米尤艱難官兵破賊議撫卹嗚呼何人
安坐叨盤餐

雜詩

養心如養馬首貴去其害力欲羈勒之蹉跌患已大庫中
萬石油火發不由外鬱攸勢已煽撲滅彌未艾但使出於
機何必塞其兌饒饒將自息碧水定寒瀨更思驂劣馬遠
與鴻濛會

天風吹海濤鯨魚跋浪游巨額配山岳吹沫成洪流此身

寄大壑猶懷豫且憂如何
蚌蟹輩坐井渺九州翻波具奇
氣七箸一朝投器小患所招於世
夫何尤蚌守石內藏美
訓懷齊耶

甲子年

湖上暮雨

霞意不成雲氣涌
渴虹下飲湖水動
東湖作雨西湖晴
蒲帆葉葉西南行
煙中不辨老漁語
白鷗拍拍翻水聲
人家破屋依斷岸
今夜只愁湖水漫

臺城偶題

八十三年中自得還
自失不乞梵王露
盤索臺城蜜

車遙遙

車遙遙兮千萬山間君隨雁出遼關雁落長天見君笑言
夢裏欲隨君去不識黃沙路幾千黃沙飛朔風起雁歸來
人萬里

君馬黃

君馬黃我馬白街頭日日牽馬出顏色雖異心則一君向
朔漠我隴西兩馬臨風向空悲問君騎馬見天子黃金絡
頭青絲尾嗚呼我馬伏櫪死

巫山高

巫山高楚水寒我欲求見君遙遙直在浮雲端楚山可摧

楚水竭浮雲終古難變滅猿淚泠泠鵲叫血浮雲黥黥暮
飛雪

戰城南

戰城南城南黃塵高沒天少年十五來此閒白首無人還
漢關風吹暮笳昨夜還家天山八月雪隨夢過龍沙兜鍪
千騎照秋月奪得燕支千騎沒將軍月下射虎回歷落馬
蹏踏人骨

有所思

有所思乃在咫尺閒與君日相對邈如越河山山有車河
有柁朝朝暮暮傷眉睫眼見君心不見妾爲君朝作羹暮

縫裳縫裳願識裳短長作羔願識心冷煖請君手此青玉
盤

代相逢行

相逢不相識門前車馬何絡繹借問道旁人鬱鬱誰家宅
少年何方來此宅亦不知大兒中郎將小兒大長秋白馬
千騎來粲爛居上頭少年謝丈人前日來皇都亦有府君
貴許我門前趨依稀卽此宅門衛夾廣衢西堂獻趙舞東
閣吹齊竽歌舞聲中白日徂華屋猶是主人殊嗟哉道旁
之人誰其金石軀

古離別

圓月出高樓艇子下西洲登樓望圓月送客上江舟江舟
發南浦送客去吳楚水宿過三秋長江幾風雨風雨未還
家樓上問寒鴉寒鴉報天曙江水繞樓去

乙丑年

螢

雨後流清影鐙前失素輝無情是羅扇莫漫傍人飛

蟬

鬢眉當風側綏偏著露新知君清潔甚滿座卻何人

閨早

八月雨納稼苦九月旱種麥緩東邨老農急種麥曳杖看

田田龜塘三月不雨米易珠四月不雨田似石夏愁洪水
秋苦乾卒歲何以逃飢寒老龍入蟄潭水涸龍亦苦此日
薰灼我將駕龍鞭海若

雜詩

世無陶匏質安有彝學文以手掬水飲浩浩斟崑崙一瓢
本多事何況於與尊斯文固凋敝濫觴適已渾湯征周大
詰擬者如蜂喧二十有五篇鼠腊原非真宜乎今作者割
裂成敝褊蟬紅與蠹綠自謬程先民

漢代儒斷獄焉有周內刑唐宋重式令守律迂簡青經術
與吏治判別等渭涇曲學習殘刻荼毒流郊圻否或鄙刀

筆臥治不出屏兩塗執所見夢夢誰能醒

寰海紛利塗物物農桑出一夫之所耕不贍人六七一女
日所纚纚素不盈匹夫耕而婦蠶一里無十室卽此一室
中作苦半勞逸一人養百人上治無此術

儒生日展卷如賈初入海瑒瑒及璿瑰射眼紛異采苦無
兼取術十手爲拮采琅環徧欲窺曜靈急難待人言百城
樂愈起十年悔安得放眼光上下照千載

海若恥壘空河伯乃自喜文人好相輕必非通達士蔚宗
目睫論薄俗久可鄙君看劉季緒雄辨紛紛起家有千里
足猶自逞絕跂豈伊山中蛇豕似遼東豕

滋

與趙吉人輯里人詩有作

梁苑才華雪裏春
瓣香千載挹芳塵
如何杞宋無徵歎
翻在元明以後人
河嶽英靈休撫拾
襄陽耆舊懼沈淪
極知香聚談非易
畧付艱難後死身

浩歌

西山洩雲遮赤日
坐使蘭堂作暝色
手摩鱗鯨暗無聲
仰天吸酒嘆八極
山童埽雪堆門陰
無多玉色清我心
碧海幾日可清淺
眼前黃河深復深

己巳年

春愁曲

天畔高樓臨市起
百尺闌干君莫倚
滿城芳草似江南
行人只隔長江水

飲田家

濁酒從田父
荒邨足物華
耕犁侵路草
樵擔拾谿花
水淺魚藏穴
風高雁起沙
醉歸人笑說
騎馬帽簷斜

邨行

西風吹客帽
涼意入平林
古寺長松下
前邨落葉深
低雲開野色
止水定秋心
欲問樵夫路
微微伐木音

庚午年

邨谿歸舟

林薄雨漸深萬翠入睂際孤舟隨水流遂已泊煙寺行人
爭渡喧我自開鼓枻柴門曬荷衣吟懷豁新霽

東澗夜舟

月上橋南酒市樓風吹橋下木蘭舟五更客夢隨檣轉一
夜灘聲到枕流不願文章傳狗監也無煙水著羊裘谿東
二頃田難買白石蒼苔鶴亦愁

田家

解組慕園綺結廬避塵喧我本異通顯安用探林泉稻田
種幾畝衣食靡底身中田數閒屋臨流日開門鄰家谿南

北樹合成一邨每當谿風起輕舟尋故人片帆若就我秫
酒猶未渾

閉門三日雨空庭含餘清日出雨初歇便聞時鳥聲應知
東臯上萬碧蒸林垌聊取勸農詩歌與兒童聽老農亦汎
覽一卷娛性靈不耕愛五車鄙哉身後名

世人嬰百慮田家無一憂不知逐物態所業與天謀豈不
勤四體報我以新秋日入坐林間梧酌還相酬好風自南
來谿水向東流毋慮子孫拙力穡夫何尤

奉懷盧止泉舅氏

暮雲吹不盡江下海陵西我隔射湖望天隨落照低煙波

三載住風雨一琴攜僻邑誰相識閑門山鳥哢

臥永濟寺

燕子磯頭候風信揭來古寺倚雲邊江聲怒挾隔嶺雨松
色陰如欲暮天彈指白門六回權無心初地片時眠夢中
可得金繩路插腳塵塗已十年

怨歌

長風激海吹浮漚東來海客談瀛洲瓊臺迴絕不能到拍
天海水飄虛舟隔舟遙望恆春樹那是虛無夢中路紫衣
香吏招不來淚痕慘落金盤露何人錦袍騎赤鯨六丁爲
助風雷聲我取素書問丹訣寶鼎冷落如破鎗枉談靈寶

好壞怪入市消搖一壺挂當時身跳入壺中祇今壺藥和
身賣淒涼賣出杖頭錢願溷紅塵不學僊滄海神山在何
處明日持竿歸釣船

偶書

人生知有涯憂患竟靡止日見萬物非焉識寸心是魚鳥
游天淵問彼何所恃吾最多營求隨分已如此

寒日

寒日催短景且持一卷書勿問作者心吾心當何如掩書
求古人迢遞千載餘豪芒一相遇天地滿蘧廬

書寓齋壁

中庭何所有開戶餘空清白雲去復來爲伴寒雁聲端坐
太古石直至殘月明回顧孤桐枝爾知吾性情
中堂亦無物人心澹鑪煙萬卷未觸手眼盡書中天美醞
一兩杓醉在形骸先時或發夢寐先生故未眠

哀廉吏

山陽令王公昉廉吏也死闕六年隱厝野寺其父
兄匱亦在焉作詩哀之

人生仕宦幸毋得廉吏名古之廉吏死則累孫子今之廉
吏死耳死耳裁及父若兄一解父兄望子弟作官亦何爲不
見王令尹喪貧不歸三棺橫列野寺中窗風烈烈階草離

離二解哀哉王令尹不受一錢上官呵笑吏胥怨蒼天今日

得錢足贍百口但慮忤父兄驚窮簷雞狗三解今日令尹明

日羈魂二千里路山盤盤還望太原愁雲遮斷不及鄉里

賸民東風寒食妻子壻閒麥飯一盃四解我欲涉淮入河逾

汾送汝歸去男兒無錢刀百事那可作五解赫赫墨吏迺得

上官歡囊橐充物食客梁肉妻妾綺紈死時素車白旛送

者雜還歸故山六解王令尹生不愛阿堵死亦無紙錢一陌

奠棺下當時富民歡喜令尹呼父母今日官死骸骨流離

無主令當時令尹侵牟索錢阿誰搖手閉目慳嗇勿與七解

哀哉廉吏不能葬父兄孤魂有知搥胸頓足吞聲堂堂一

大郡有一廉吏不克葬赫赫墨吏仰天大笑幸不得廉吏

名

解八

贈關童子

吾見千童子不如此家兒兒今年七歲神宇何恢恢常童
覓棗栗跳盪依耶囁此童揖上客琅琅抒文詞常童讐視
書入學輒畏笞此童析疑義光怪挾怒猊童子讀何書魯
論卷初開連繇二十篇脫口誦不遺未誦爾亦誦怪事吾
頗疑人言夙世慧朗朗懸珠璣我聞人此言口吐手頻揮
前身與後身佛氏非化機塞此眾人心儒生力訶詆昏昏
三世果愚婦交嗔咿慎勿守此言自賊軼世材生人精魄

彊乍見能淹該童子亦如此兩目通靈暉由見達未見一
一精豪釐學問萬牛毛何能廢研幾童子能屬文鏗鏘謝
敲推人呼童子來聲律爾所諧試爲時世文四子窮鉤稽
童子應曰諾虛實稱其懷神氣肖榮秀十索不一辭我聞
人此言懜懜心不怡人才得天授高朗侔昭回凡今工文
者束縛同受羈爾未溺時好出語無凡卑如何就銜勒低
首隨驚駘繩削彌脗合患愈屯心脾慎勿習此態使熏化
作蘖古訓何熊熊上窮姒與媯六經在天地萬學由康達
逮衰周秦漢文章尙崛崎此下不必讀以目游其籬童卯
日在東百物騰清輝考校一蹴事急則傷天倪童子閒出

語驚其父兄師人言童子異自許登樞台斷勿局蓬戶
嘯老蒿萊一語千萬語富貴無轉移我聞人此言大呼人
刺乖童子獲異稟當識人根基上者立德功銘勒廟鐘彝
次有立言在著述彌天垓科名劇卑賤瑣屑猶摘髭三公
亦何貴乘軒登雲扉轉頭赫赫勢道姓人不知青史百官
表台鼎儕沙泥人無異人質名利纏如絲爾抱昆山玉忍
受蠅點繒童子力學問青紫非爾誰卽使位巖廊學尤關
安危束髮讀聖書俗念當清夷慎勿挾此意處甕爲醢雞
世人好諛言眾響紛蟬蛸我聞此童子愛慕心爲締直言
勸童子使爾厚其才窮鄉少聞見燕雀甘卑棲爾果幼韶

令何不爲傑魁古人亦人耳但雄毋伏雌昔吾童子時逸
氣蟠蛟螭祇今負鹽車喘汗如疲駟學業不閑富枉用慕
優俳小慧大則鈍愚哲無定期鑒己勗童子怪石磨珍圭
童子父若兄慎勿嫌狂癡介甫傷仲永豈曰無天姿童子
信偉器當三復吾詩

辛未年

此日足可惜

此日足可惜藐然愧此身此身在天地促促蟻與蝨豈知
負荷大萬類靈者人陰陽開虛牟品物依陶鈞山川職鍾
毓降神爲大賢絕德不可改身名忍沈淪日月照我上鬼

神臨吾前吾呼吾父母教養凡幾年生我望何奢愛敵昆
山珍命吾就外傳經訓深鑽研見吾露頭角峭嶸出精神
渾渾六藝奧開導程先民我亦負何辜蒼昊奪所親遺書
泣血誦未冠罹艱辛怙恃兩熒熒窮島曉桓山山高水以
深痛哭摧心肝抱書出門去東西走踳踳呼父父不應呼
母母無聞窮鄉負襁被水氣盪朝皆長吟孤兒篇感憤誦
皇墳妙義若古井汲縷苦不勤獨居失師保誰與析遺文
父老見吾讀大息示直言鄉里聞吾讀涕下紛沄沄一讀
一失聲壯志徒孤騫擎舟過江水江路何嵒垣蛟龍舞白
浪上欲浮青天自謂挾奇策不顧時命迤其時十七八發

論驚天闔虎氣不沈匣淬厲輝星辰摧堅破驚陣健將無
奇勳志盛必蹉跌抑抑龍性馴卞和幾刖足褻足還鄉園
鄉園有蓬戶嘯傲稱癡頑朋輩顧我笑親戚向我嗔我益
癡入骨讒口如蜂屯飢寒漸迫蹙神智璞不完賴有一卷
書夙好清且敦因之縱詩酒氣埽千人軍舉觴上下視醉
鄉風俗淳時爲汗漫詞汨汨不可刪侍者側目望寒慄卷
舌端擲筆還大噱遁入糟醕閒坐此失時日舊訓慚未遵
春秋堂堂去義娥跳雙丸富貴值敝蹤義命吾所安但惜
曜靈速隙駒走不還陽爻揲三九今年二筋力實富堅物
用在少壯寸陰爭璵璠人逐天象運不得聊遷延形貌未

衰朽風力搏鵬鯢豈當順情欲役役爲凡鱗微名若秋草
青熒蔽荒原寒風一朝冽蕭瑟誰人憐丈夫有嗜好名行
光簡編試問我師表經史列槩槩索塗不得杖舉足神茫
然試問我益友世故羅萬千好醜雖異徑各各繩吾愆我
欲縱我志內問心神寒古人好暇逸豈不與吾倫日月迫
之起踉蹌無時閒穴蟻知道雨鵲旦求嚮晨微物懼時過
迫若蛇赴淵我敢負材質汨沒隨風湍往見盛年子異采
蟠鸞紋識昏使力頽弱卉棲輕塵百歲等觀井樹立無其
真回思過庭訓提耳常諄諄時植二十年節目當輪囷臨
事決所見尙與兒童鄰無才坐而食何以冠儒冠日日披

古籍雙目飛雲煙清夜發深省腸中轉車輪舊惡若不長
茲言當書紳

和陶公田舍始春懷古二首

一
經世故百念不能踐憂病懣懣來遂無片時免東皇
將告歸獨居發清緬楊柳幾時綠風已冷然善急尋良友
去適目無近遠高卑入吾懷得境便忘返誰非風浴人林
塘正清淺

大化厚羣類所與頤不貧但恨坐失時俗慮方憂勤索處
吐狂言目無一世入焉知與物游物物酬清新春風吹我
出好鳥都含欣青郊四空闊何者爲要津片雲時東西此

卽吾比鄰歸來掩關臥夢見菲晉民

和陶公時運四首與紀燕亭

尊盧雖往倏如昨朝今吾與子偶遇春郊俯聽谿流仰觀
碧霄百舊皆新視此良苗

佳哉此游塵襟亦濯入荒之中皆我所矚茅屋稻田子願
易足結願以境終恐弗樂

以我觀妙何零何沂入心所適持身所歸浮雲落日舉袂
一揮回瞻此境疾不可追

我送子歸豈曰子廬子足所止萬宅紛如明日若出請攜
兩壺沈醉竟日焉知子余

和陶形贈影

爾我若合體久暫胡異時謂是爾我殊動靜何應之厭爾
善依附舍彼忽在茲喜爾肖容止出沒不可期我方累憂
患爾不爲我思近我忤時好鬱鬱涕清而爾徒作我伴行
動無稽疑解貌不解意長揖請遽辭

和陶影答形

責我傍子行子計良大拙笑子先有子卻我何能絕依然
子自運於我孰悲悅光響捷桴鼓原委未易別有物皆我
寄我不操生滅招我敢不來我豈工附熱隨時遞變見妙
不因時竭且究子妍媸毋議我優劣

和陶神釋

實虛都無憑遇物偶然著勿恃有實體衰逝豈如故勿喜
游虛光質滅疇依附本非一家屬亦非兩口語是己責彼
非彼亦不知處寥寥羣化流依倚陰陽住二子辨去畱因
象遂滋數我意還自然不識誰所具日居二子中淡漠無
咎譽若問孰曲直有得必失去萬物悉無物無物迺無懼
成虧有洪鈞奚爲代憂慮

贈丁儉卿

丁生十七氣浩沚權奇天驥脫羈絆渥洼一出馳籥雲俗
眼何曾識豪肝紛紛少年抱一編呬呬竟日力文輒彊命

屬詞神不惜文狐蒙戎雜青豸黑白不辨學貴耳紫鳳天
吳漫璀璨就中才質賦清白情思昏如閱故案問塗畧識
岐中岐倏復迷離舍書歎俗師不導交衢舞逼入荆榛作
鰥竄劇憐含美不成章明珠迺取石來鍛之子汲古轉鹿
盧奧祕潭潭絕畔岸偶施意匠神鬼驚移晷埽盡千兔翰
閉門獨造喻甘苦日不停披慮脫腕我察譽言恐溢美清
辭再閱發驚惋未能空洞函古初豹采爛爛已彪煥聞子
矢志窮羣經鄙懷結轡似冰泮祇恐剽輕任血氣立足未
定轉離叛否則瑣瑣注蟲魚枉是刑精訂漫漶古來文章
有直路俗工繆糾自謾譌羣經大義高麗天照耀靈臺日

初旦衆家傳注勿驟觀以我一筏涉混瀚我意成熟參衆
家如一赤絲萬珠貫不然先入塞吾竅得不及全失其半
莊荀屈馬擇尤雅築墉亦欲資版榦此外高閣束數年捧
日日不見燿燿理明氣定精內充百派支流易區判吁嗟
聖道布經籍獨恃幽通協神斷予觀禋祀求焄蒿潔齊鬱
鬯首重裸腥爛薦熟後天事精誠那寄衆臚胖入塗不正
異時悔勢必糅錯合冰炭胸中疆界未申畫冰雪聰明亦
凌亂縱使操管摹前民浩朗青天黑雲幔丁生丁生知讀
經至道堅剛有端鑽小家訓詰窮豪芒耿耿元精日消散
名場文字況末技專攻愈非一代冠暗中福命奪人魄黯

者黃綠鬢珍玩彌天揮灑穠與社見人學古目屢睥生也
采豪幸天授電光在舌閃爛爛誦言交攻滋子疑仗子慧
劍力振扞宗經徵聖子所習打雀慎毋費珠彈箏瑟得志
旬鈞天空山素琴自操纓我聞前訓轉相語不顧旁人笑
漫漢女牀一鳥飛驚天那待枋榆拙鳩喚祇因姿骨病且
醜引鏡生慚發顛汗入塾受書二十載雞棲名不出里閭
秃筆如冢有何用供作勞薪執炊爨酸鹹歷盡轉爽口劉
我詞鋒失勁悍晨起誦經十忘九批振耗耗迨日旰尙思
攘袖揮塵氛俗骨勤求大丹換矧子英年軼同輩思理勃
宰鮮遺算積成學業崑崙邱部婁羣言只低看天生異材

致實用敢隨眾口妄褒讚一時得失百年事努力壇宇壯
雕與房駟精英踔萬里休學鄉閭策款段他時仰配古作
者不負奇書讀 東觀

寄朗陵兄

春風吹我庭桃李揚清妍芳華隨地落行客猶未還前年
織女中登舟下新安去年葦花白打槳過長干江淮雖自
通客意阻風煙秋殘春復歸江水自年年可怪飲江水不
上江頭船徒令淮干客夢落江南天

夢中聞笛詩

酒罷引枕夢至一榭江山揖座蒲蓉繞庭飲者數

人脫巾而嬉酒渴江清一笛起於水上僕分賦得
詩二首第一首末三句云捲簾人倚隔江山朝朝
說刺扁舟去真在蕭森荻葦閒其二云竹笛蒼涼
有鐵聲填胸斗覺百端生本來使酒人無那況復
臨風調入情老鶴飛飛江四面小樓悄悄月孤明
今宵高會明朝別誰折楊枝送我行寤而識之
半生湖海麤豪氣收入殘詩短夢中簾幙依依數聲笛一
痕涼月尙樓東

郭景遜澗東寺院齋居

君家未晚飯近寺來鐘聲寺門開何處柳影搖波清抱書

命稚子入寺開軒楹昨夜雨色活移花招流鶯寺古蓄秋
氣日日涼風生兒讀几上書齒牙清且鏗阿翁哦新詩遙
和谿鳥鳴樵夫不識路時來叩柴荆余亦訪君去冷月橋
西橫

寫孝經詩

憶我爲兒時家塾在堂隅日昃讀書罷歸爲慈母娛八歲
就外傳魯論初咿唔九歲五經畢文義頗不疏十歲讀禮
經古句忘崎嶇十一背慈訓熒熒失母烏十二出門游奔
走能跨驢是時從大人來往神愉愉大人授孝經命兒自
寫書兒寫書不成滿紙如墨豬左右反覆視心氣慘不舒

低頭清淚落仰頭但嗟吁大人顧謂兒兒心一何愚寫書
非大難兒心姑徐徐心定手不誤爾盍仰視子侵晨執筆
寫寫成日裁晡兒迺破涕笑喜躍東西趨取書呼兒來此
書義當攄讀書讀其義此書學根株兒默聽此教跪受當
前除朝夕執書讀愛重同球圖讀罷藏之笥褻見懼點汗
兒今又寫書寫書忽痛呼兒有六歲兒兒已十年孤昔時
一卷書歲時常寶儲今日寫此帙吞聲淚霑裾昔寫今亦
寫今昔迥自殊昔泣今亦泣兩泣不相如昔寫雖醜惡嬉
戲稱鳳雛今寫好似昔誰與正瑕瑜昔泣實恃愛貌鬱神
不痛今泣復何益淚眼空爲枯哀哉一卷書寫罷還踟躕

兒亦呼其兒學不在五車但求孝弟性敬愛理不虛亦不
在榮達名譽播九區但求守吾身戰戰保髮膚兒有弱小
甥神采清且都七歲痛陟岵似續守門閭此書大義在此
詩非煩紆兒復呼其兒試誦與爾姑爾姑聞此詩哀痛猶
茹荼爾內外兄弟敬謹相友于立身與顯親毋若不肖吾

行路難

罷君青天明月之深杯聽我斫地歌聲哀一歌蒼鷹下垂
翅再歌駿馬臨風嘶蒼鷹不會擊駿馬不會騎懷中一刺
今三年妻孥無糧盼盼待我歸歌殘酒冷四座泣寒風入
門吹人衣門前臂鷹走馬誰家兒

朝朝叩君門暮暮飲君酒十年肝膽一夕露明日登堂還握手
絺衣被君身旁人那知薄與厚銅鏡照君面妻妾焉
明好與醜黃鵠高飛避網羅結交不爲黃金多座有青蠅
人柰何

大宛天馬來向東道逢驚駘蹀躞相追蹤
屈汗流不可及口笑天馬行步何怱怱
男兒各有才那能吞聲逐隊走復來
向人五里一哀嘶十里一裴裒

坐我八尺玳瑁牀佩我徑寸火齊珠
低頭飲酒不稱意拂衣歸去蓬蒿居
義義貴人來填門駐高車卻高車
捷蓬門此身有劍不受恩
昨夜飛鴻下蘄澤江頭少年善彈射
骨

爲荒蘆肉爲食老鳳聞之長太息

朝買東市馬辭家謁金閨中塗馬鳴思故鄉客子有恨羞
告誰誰無青絲轡誰無金絡頭有馬昂昂騎出門誰當餓
死誰封侯勸翁不如行歸休山中麥田今有秋翁且賣馬
兒牧牛

陌頭黃葉聲槭槭妾家松枝長二尺手折松枝贈與君攜
手出門有寒色聞君新交同心人桃李榮華天上春攀松
望君君萬里西風烈烈傷心神西風吹桃桃葉脫新人不
救人飢渴不見門前松蓋瓦綠陰森森待君馬

自題斜月讀書圖

明窗過山影照見蒼松穎開窗讀我書片月挂西巖山空
書聲長漏下不聞滴眼光交月光虛白成一色鐘鳴夜轉
寒斜月忽已墮無人靜掩關山鑪對枯坐